

外臺祕要

S25-4

1474

1部1

卯 11

1

共 40 册



重訂唐王燾先生外臺秘要方第十卷目錄

肺痿肺氣上
欬嗽二十八

肺痿方一十首

肺氣客熱方二首

肺熱兼欬方七首

肺虛寒方三首

肺氣不足口如含霜雪方四首

肺脹上氣方四首

肺氣積聚方二首

肺癰方九首

大腸論二首

今有方
八首



尚德按
今有方
二首

大腸熱實方三首

大腸虛寒方三首

皮虛實方二首

上氣方九首

卒上氣方六首

久上氣方四首

上氣胃滿方二首

上氣欬身面腫滿方四首

上氣喉中水雞鳴方一十二首

因食飲水上氣方四首



北京中医药大学图书馆藏

內經
八卷
卷七

卒短氣方四首

上氣及氣逆急牽繩不得臥方八首

欬嗽上氣方八首

欬逆上氣嘔吐方四首

上氣欬嗽多唾方三首

上氣欬方一首

久欬嗽上氣方三首

欬逆上氣方五首

雜療上氣欬嗽方四首

唐王燾先生外臺秘要方第十卷

宋朝散大夫守光祿卿直秘閣判登聞鼓院上護軍臣林億等

新安後學程衍道敬通父訂梓

男龍錫爲光父仝校

肺痿方一十首

千金論曰寸口脉數其人病欬口中反有濁唾涎沫出何也師曰此爲肺痿之病肺痿之病何從得之師曰病熱在上焦因欬爲肺痿或從汗出或從嘔吐或從消渴小便利數或從便難被駛藥下利重亡津液故得肺痿又寸口脉不出而反發汗陽脉早索陰脉不澀三焦踰入而不出

身體反冷其內反煩多唾唇燥小便反難此爲肺痿傷於津液便如爛瓜亦如豚腦但坐發汗故也其病欲欬不得欬欬則出乾沫久久小便不利甚則脉浮弱肺痿吐涎沫而不欬者其人不渴必遺溺小便數所以然者上虛不能制下故也此爲肺中冷必眩師曰肺痿欬唾咽燥欲飲水者自愈自張口者短氣也

出第十七卷中

仲景傷寒論療肺痿吐涎唾不欬考其人不渴必遺溺小便數所以然者以上虛不能制下故也此爲肺痿必眩甘草乾薑湯主之以溫其臟方

甘草

四兩炙

乾薑

二兩

右二味切以水三升煮取一升半分温二服服湯已小

温覆之若渴者屬消渴忌海藻菰菜

又療肺痿涎嚕多心中温温液液者炙甘草湯方

甘草 炙 四兩

生薑 三兩 去皮

人參 二兩

地黃 一

阿膠 三兩 炙

大麻子人 半升

大棗 四十枚

麥門冬 半斤 去心

桂心 二兩

右九味切以美酒七升水八升相和先煮八味取四升

絞去滓內膠上微火烱銷温服七合日三夜一 並出第八卷中

肘後療肺痿欬吐涎沫心中温温咽燥而渴者方 一云不渴

生天門冬 擣取汁 一升

飴糖 一斤

紫菀 未四合



右四味合銅器中於湯上煎可丸服如杏人一九日三

忌鯉魚

范汪經心錄同
出第一卷中

集驗療肺痿欬唾涎沫不止咽燥而渴方

一云不渴

生薑

五兩

人參

三兩

甘草

二兩

大棗

十二枚擘

右四味切以水五升煮取一升半分再服忌海藻菰菜

仲景傷寒論備急范汪千金經心錄同

又療肺痿欬嗽涎沫心中溫溫咽燥而渴方

一云不渴

生薑

五兩

甘草

二兩

大棗

十二枚擘

右三味切以水五升煮取一升半分再服一方乾薑三

兩代生薑忌海藻菰菜

文仲千金古今錄驗同深師云
溫脾湯范汪亦同



又療肺痿時時寒熱兩頰赤氣急方

童子小便每日晚取之去初末少許小便可有五合

取上好茸草量病人中指節男左女右長短截之炙

令熟破作四片內小便中置於閑淨處露一宿器上

橫一小刀明日平旦去茸草頓服之每日一劑其童

子勿令喫五辛忌海藻菰菜熱麪

並出第四卷中

刪繁療虛寒喘鳴多飲逆氣嘔吐半夏肺痿湯方

半夏一升湯洗母薑一斤橘皮一斤白朮八兩

桂心四兩

右五味切以水九升煮取三升去滓分溫三服忌羊肉

傷桃李雀肉生葱

一方有桑白皮切一升

又療凡虛寒肺痿喘氣乾地黃煎方

乾地黃

五兩

桑根白皮

切二升

芎藭

五兩

桂心

人參

各三兩

大麻人

一升炒

右六味切以水九升先煮五味取三升去滓內大麻人

煎數沸分三服忌生葱蕪荑

並出第二卷中

千金療肺痿涎唾多出心中溫溫液液甘草湯方

甘草

二兩炙

右一味切以水三升煮取一升半分溫三服忌海藻菘

菜

范汪同

尚德按
出字下
千金有
五字



又肺痿吐涎沫桂枝去芍藥加皂莢湯方

桂心 三兩

甘草 二兩

大皂莢 一挺去皮子炙 生薑

大棗 十二枚擘

右五味切以水七升微火煮取三升分三服忌生葱

藻菰菜 范汪經心錄同並出第十七卷中

肺氣客熱方二首

延年百部根飲主肺氣客熱暴傷風寒因嗽不安方

百部根 一兩半 天門冬 二兩去心 紫苑 一兩半

貝母

乾葛

白前

橘皮 各一兩 生薑 二兩

葱白

切三合

豉 三合

右十味切以水六升煮取一升七合去滓分温三服
數任情亦可分爲四服欲間食亦得禁生冷鯉魚蒜
五卷中

古今錄驗療肺客熱并肝心家氣人參湯方

桂心
甘草 炙各三兩
人參
乾薑

防風 各二兩
白朮 一兩半

右六味切以水八升煮取三升分三服日三宜温忌桃

李雀肉生葱海藻菰菜 出第二十一卷中

肺熱兼欬方七首

刪繁療肺熱氣上欬息奔喘橘皮湯方

尚德按
有方
八首



橘皮

杏仁

四兩去尖皮

柴胡

麻黃

去節各三兩

乾蘇葉

二兩

母薑

四兩去尖

石膏

八兩

右七味切以水九升先煮麻黃兩沸除沫下諸藥煮取

三升去滓分三服不差再服

母薑千金云宿薑千金同出第五卷中

千金療肺熱悶不止胷中喘急驚悸客熱來去欲死不堪

服藥泄胷中喘氣方

桃皮 一斗

芫花 一斗

右二味以水四斗煮取一斗去滓以故布手巾內汁中

薄胷溫四肢不盈數日即歇

又凡右手寸口氣口以前脉陰實者手太陰經也病苦肺



汗出若露上氣喘逆咽中塞如欲嘔狀名肺熱實也

又療肺熱實胃慙仰息泄氣除熱湯方

枸杞根皮

二升

白前

三兩

石膏

八兩碎綿裹

杏仁

三升

橘皮

白朮

各五兩

赤蜜

七合

右七味切以水七升煮取二升去滓下蜜更煮兩三沸

分三服忌桃李雀肉等

又療肺熱言音喘息短氣好唾膿血方

生地黃

切二升

石膏

八兩

淡竹筴

如雞子大一枚

杏仁

四兩去尖皮研

羚羊角

屑三兩

芒消

三兩

赤蜜

一升

麻黃

五兩去節

升麻

三兩



右九味以水七升煮取二升去滓下蜜煮兩沸分三服

忌蕪荑 出第十七卷中

延年天門冬煎主肺熱兼欬聲不出方

生天門冬 升一 橘皮 二兩 生地黃 升五 白蜜 五合

牛酥 三合 白糖 五兩 杏仁 一升去尖皮 貝母

紫苑 各三兩 通草 各三兩 百部根 白前

甘草 炙各二兩 人參 二兩

右十四味切以水六升煮貝母等藥取二升五合去滓

內天門冬地黃汁煎可減半內酥蜜生薑等煎令可丸

稍強取如雞子黃大含嚥之日四五度忌鯉魚蕪荑海



外臺秘製

藻菰菜等 張文仲處

又地黃麥門冬煎主肺熱兼欬方

生地黄汁三升生麥門冬三升薑汁一合酥二合

白蜜 二合

右五味先煎地黃麥門冬薑汁等三分可減一分內酥

蜜煎如稀餚內貝母末八分紫苑末四分攪令調一服

一匙日二服夜一服忌蕪荑

又天門冬煎主肺間熱欬咽喉塞方

天門冬三兩去心麥門冬二兩去心款冬花一兩貝母兩

紫苑二兩茯苓二兩升麻二兩生薑汁三升

尚德按
麥門冬
下疑脫
汁字



蜜一升

酥一合

地黃升汁三

右十一味切以水八升煮七物取一升去滓內生薑地

黃汁煮取一升內蜜酥於銀器中加湯上煎令成此

服如彈丸一枚含嚥日夜三五丸忌醋物蕪荑鯉魚等

顏仁楚處

又羚羊角飲主肺熱腎背痛時時乾欬不能食方

羚羊角

屑二兩

貝母

生薑

茯苓

各三兩

橘皮

人參

芍藥

各二兩

右七味切以水五升煮取一升八合去滓分溫三服每

服如人行八九里久更服禁生冷蒜麴醋

並出第五卷